



# SLUŽBENE NOVINE OPĆINE ZENICA

GODINA XXXVIII  
Broj 6

Srijeda 02.07.2012. godine

ISSN 1840-4588

## VIJEĆE OPĆINE

59.

Na osnovu člana 234.stav1.i 2. Zakona o zdravstvenoj zaštiti („Službene novine Federacije BiH“, broj : 46/10), člana 11.stav 1. Zakona o apotekarskoj djelatnosti („Službene novine Federacije BiH“, broj : 40/10) i člana 22.stav 1. tačka 19. Statuta općine Zenica („Službene novine općine Zenica“, broj: 4/08), Vijeće općine Zenica na 42. sjednici održanoj dana 21. juna 2012.godine, d o n o s i

### O D L U K U O ZADRŽAVANJU OSNIVAČKIH PRAVA I USKLAĐIVANJU ORGANIZACIJE JAVNE USTANOVE APOTEKA „ZDRAVLJE“ ZENICA SA ZAKONOM

#### I. - OPĆE ODREDBE

##### Član 1.

Ovom odlukom Općina Zenica, kao osnivač Javne ustanove Apoteka „Zdravlje“ Zenica, upisane u registar kod Kantonalnog suda u Zenici pod brojem : U/I – 1042 / 98 od 09.11. 1998.godine, zadržava pravo osnivača i vrši usklađivanje organizacije Javne ustanove Apoteka „Zdravlje“ Zenica sa Zakonom o zdravstvenoj zaštiti i Zakonom o apotekarskoj djelatnosti.

##### Član 2.

Sjedište Javne ustanove Apoteka „Zdravlje“ Zenica ( u daljem tekstu : Apoteka ) je u Zenici, ulica Crkvice Anex B.

Apoteka može promijeniti svoj naziv i sjedište uz saglasnost osnivača.

##### Član 3.

Apoteka ima svojstvo pravnog lica sa potpunom odgovornošću.

#### I I. - DJELATNOST APOTEKE

##### Član 4.

Apoteka je zdravstvena ustanova koja obavlja djelatnost nabavke lijekova i medicinskih sredstava, skladištenje, čuvanje pod propisanim režimom, izdavanje i distribuciju lijekova i medicinskih sredstava, kao i izradu galenskih i magistralnih pripravaka u skladu sa zakonom.

Pod djelatnošću Apoteke, osim snabdijevanja lijekovima i medicinskim sredstvima, podrazumijeva se i :

- snabdijevanje herbalnim lijekovima, herbalnim supstancama, homeopatskim lijekovima, dječijom hranom i dječijom opremom, dijetetskim proizvodima, kozmetičkim i drugim sredstvima za njegu i očuvanje zdravlja;

- izrada i snabdijevanje magistralnim i galenskim lijekovima;

- savjetovanje u vezi pravilne primjene lijekova, medicinskih sredstava, herbalnih i homeopatskih lijekova, kozmetičkih i dijetetskih proizvoda;

- pružanje dodatnih usluga u svrhu provođenja preventivnih mjera za očuvanje i zaštitu zdravlja stanovništva, a koje podrazumijevaju mjerenja određenih parametara koje pacijenti mogu i samostalno odrediti u postupku samokontrole, pri čemu ove usluge imaju savjetodavni karakter i ne pružaju se u svrhu postavljanja dijagnoze kao što su mjerenja šećera u krvi, krvnog pritiska, težine i sl.

##### Član 5.

Djelatnost Apoteke u skladu sa Odlukom o klasifikaciji djelatnosti Bosne i Hercegovine 2010 („Službeni glasnik BiH“, broj: 47/10 ) je:

47.73 - apoteke

21.20 - proizvodnja farmaceutskih pripravaka.

##### Član 6.

Apoteka može proširiti ili promijeniti djelatnost, kao i vršiti statusne promjene: spajanje, pripajanje, podjelu i izdvajanje.

Odluku iz stava 1.ovog člana donosi osnivač.

Za proširenje ili promjenu djelatnosti potrebno je obznaniti mišljenje Kantonalnog zavoda za javno zdravstvo Zenica i nadležne komore o opravdanosti proširenja ili promjene djelatnosti Apoteke.

Proširenje ili promjena djelatnosti Apoteke ne može se obaviti bez saglasnosti Kantonalnog ministra zdravstva.

### III. - ORGANIZACIONE JEDINICE APOTEKE

#### Član 7.

Organizacione jedinice u sastavu Apoteke su :

- ogranak Apoteke i
- galenski laboratorij.

Apoteka može pod uslovima utvrđenim zakonom u svom sastavu organizovati i organizacionu jedinicu depo.

### IV. - ORGANI UPRAVLJANJA I RUKOVOĐENJA APOTEKE

#### 1. Upravni odbor

#### Član 8.

Apotekom upravlja Upravni odbor.

Upravni odbor ima tri člana i čine ga predstavnici :

- osnivača - jedan član,
- stručnih radnika Apoteke - jedan član,
- Ministarstva zdravstva Ze-Do kantona - jedan član.

Članstvo u Upravnom odboru odražavat će ravnopravnu zastupljenost oba spola.

#### Član 9.

Vijeće općine Zenica na prijedlog Načelnika općine, imenuje i razrješava predsjednika i članove Upravnog odbora i utvrđuje bliže kriterije za imenovanje u Upravni odbor.

#### Član 10.

Predsjednik i članovi Upravnog odbora imenuju se u proceduri u skladu sa propisima o ministarskim, vladinim i drugim imenovanjima u Federaciji.

Predsjednik i članovi Upravnog odbora imenuju se za vrijeme od četiri godine i mogu biti ponovo imenovani.

#### Član 11.

Predsjednik i član Upravnog odbora može biti razriješen i prije vremena za koje je imenovan, ako se utvrdi

da je odgovoran za neuspješan ili nezakonit rad Apoteke, na njegov lični zahtjev i u drugim slučajevima utvrđenim zakonom i statutom Apoteke.

#### Član 12.

Mjesečnu naknadu za rad predsjednika i članova Upravnog odbora Apoteke utvrđuje Vijeće općine Zenica na prijedlog Načelnika općine.

Mjesečna naknada iz stava 1.ovog člana, isplaćuje se iz sredstava Apoteke.

#### Član 13.

Upravni odbor:

- donosi statut,
- donosi opći akt o unutrašnjem uređenju i sistematizaciji poslova i druge opće akte u skladu sa zakonom i statutom,
- donosi finansijski plan i usvaja godišnji obračun,
- utvrđuje planove rada i razvoja ,
- utvrđuje godišnji program rada,
- rješava sva pitanja odnosa sa osnivačem,
- podnosi osnivaču najmanje jedanput godišnje izvještaj o poslovanju Apoteke,
- odgovara osnivaču za rezultate rada Apoteke,
- odlučuje o svim pitanjima obavljanja djelatnosti radi koje je Apoteka osnovana, ako zakonom nije određeno da o određenim pitanjima odlučuje drugi organ Apoteke,
- odlučuje o korištenju sredstava preko iznosa utvrđenog statutom,
- odlučuje o prigovoru zaposlenika na rješenje kojim je drugi organ,određen statutom, odlučio o pravu, obavezi i odgovornosti zaposlenika iz radnog odnosa,
- imenuje i razrješava direktora odnosno v.d.direktora,
- usmjerava, kontroliše i ocjenjuje rad direktora,
- obavlja i druge poslove u skladu sa zakonom i statutom Apoteke.

#### 2. Direktor

#### Član 14.

Direktor organizira i vodi poslovanje Apoteke, predstavlja i zastupa Apoteku i odgovoran je za zakonitost rada Apoteke.

Statutom Apoteke u skladu sa zakonom, bliže se uređuje nadležnost i ovlašćenja direktora.

**Član 15.**

Direktora imenuje Upravni odbor na osnovu javnog konkursa, uz prethodnu saglasnost Načelnika općine.

Mandat direktora traje četiri godine.

Po isteku mandata ista osoba može, na osnovu javnog konkursa, ponovo biti imenovana za direktora, ali najviše za još jedan mandatni period.

**Član 16.**

Ako direktor nije imenovan u roku od 60 dana od dana isteka konkursnog roka, odluku o postavljenju vršioca dužnosti direktora donosi Upravni odbor.

Vršilac dužnosti direktora postavlja se najduže na period do šest mjeseci.

Vršilac dužnosti direktora ima sva prava i dužnosti direktora.

**Član 17.**

Upravni odbor je dužan razriješiti direktora i prije isteka mandata na koji je imenovan iz razloga propisanih zakonom.

Ako Upravni odbor ne razriješi direktora iz razloga propisanih zakonom u roku od 30 dana od dana saznanja za neki od razloga, rješenje o razrješenju direktora donosi Kantonalni ministar zdravstva.

**V. - STRUČNA TIJELA APOTEKE****Član 18.**

Stručna tijela Apoteke su Stručno vijeće i Etički komitet.

Osim Stručnog vijeća i Etičkog komiteta, u Apoteci se mogu osnovati i druga stručna tijela u skladu sa zakonom.

Statutom Apoteke, uređuje se nadležnost, način izbora, mandat članova stručnih tijela i finansiranje.

**VI. - SREDSTVA ZA RAD I RAZVOJ APOTEKE****Član 19.**

Sredstva za rad i razvoj, Apoteka ostvaruje :

- ugovorom sa Zavodom zdravstvenog osiguranja Ze-Do kantona,
- ugovorom sa fakultetima i drugim visokim školama zdravstvenog usmjerenja,

- iz sredstava budžeta Općine, Ze-Do kantona i Federacije BiH,

- iz učešća korisnika zdravstvene zaštite u pokriću dijela ili ukupnih troškov zdravstvene zaštite,

- iz drugih izvora na način i pod uvjetima određenim zakonom i statutom Apoteke.

**Član 20.**

Višak prihoda nad rashodima Apoteka koristi za obnavljanje i razvoj svoje djelatnosti.

**Član 21.**

Apoteka kao javna zdravstvena ustanova, zadržava pravo korištenja državne imovine u ovoj Ustanovi do zakonskog reguliranja ove oblasti, sa svim pravima i obavezama u pogledu imovine i radnika.

**VII. - ODGOVORNOST APOTEKE ZA OBAVEZE U PRAVNOM PROMETU****Član 22.**

Apoteka je odgovorna za svoje obaveze u pravnom prometu sredstvima sa kojima raspolaže.

Osnivač ne odgovara za obaveze Apoteke.

**VIII. - PRAVA I OBAVEZE OSNIVAČA****Član 23.**

Vijeće općine Zenica :

- u ime osnivača odlučuje o statusnim promjenama Apoteke,

- u ime osnivača odlučuje o promjeni ili proširenju djelatnosti Apoteke uz saglasnost Kantonalnog ministra zdravstva,

- u ime osnivača razmatra izvještaj o poslovanju Apoteke, planove rada i razvoja Apoteke,

- na prijedlog Načelnika općine, imenuje i razrješava predsjednika i članove Upravnog odbora Apoteke,

- na prijedlog Načelnika općine, utvrđuje bliže kriterije za imenovanje u Upravni odbor Apoteke,

- na prijedlog Načelnika općine, utvrđuje mjesečnu naknadu za rad predsjednika i članova Upravnog odbora Apoteke,

- obavlja i druge poslove iz okvira svoje nadležnosti u skladu sa zakonom.

#### Član 24.

Načelnik općine:

- u ime osnivača daje saglasnost na promjenu naziva i sjedišta Apoteke,
- u ime osnivača daje saglasnost na statut Apoteke,
- daje saglasnost za imenovanje direktora Apoteke,
- predlaže imenovanje i razrješenje predsjednika i članova Upravnog odbora Apoteke,
- predlaže bliže kriterije za imenovanje u Upravni odbor Apoteke,
- predlaže mjesečnu naknadu za rad predsjednika i članove Upravnog odbora Apoteke,
- obavlja i druge poslove iz okvira svoje nadležnosti i ovlaštenja u skladu sa zakonom.

### IX. - AKTI APOTEKE

#### Član 25.

Akti Apoteke su statut i drugi opći akti.

Statut je osnovni opći akt, kojim se uređuje:

- naziv i sjedište osnivača,
- naziv i sjedište Apoteke,
- djelatnost Apoteke,
- izvor i način osiguranja sredstava za rad Apoteke,
- način raspolaganja viškom prihoda nad rashodima i način na koji se pokriva višak rashoda nad prihodima,
- međusobna prava i obaveze Apoteke i osnivača,
- organ upravljanja i njegova ovlaštenja,
- stručna tijela Apoteke, mandat članova stručnih tijela, način izbora i finansiranje,
- rok za donošenje statuta, imenovanje direktora i organa upravljanja,
- druga pitanja od značaja za rad Apoteke.

#### Član 26.

Statut Apoteke podliježe obaveznoj saglasnosti osnivača.

### X. - PRESTANAK RADA APOTEKE

#### Član 27.

Apoteka prestaje sa radom:

- odlukom Vijeća općine Zenica, ako više ne postoji potreba za obavljanjem djelatnosti za koju je osnovana, a nema mogućnosti da se reorganizuje za obavljanje druge zdravstvene djelatnosti,

- rješenjem Kantonalnog ministra zdravstva, ako ne ispunjava zakonom propisane uslove za obavljanje djelatnosti.

### XI. - PRELAZNE I ZAVRŠNE ODREDBE

#### Član 28.

Upravni odbor je obavezan da u roku od tri mjeseca od dana stupanja na snagu ove odluke, donese statut Apoteke u skladu sa zakonom i ovom odlukom.

#### Član 29.

Stupanjem na snagu ove odluke izvršit će se promjene upisa u sudskom registru u skladu sa zakonom i ovom odlukom.

#### Član 30.

Stupanjem na snagu ove odluke prestaje da važi Odluka o organizovanju Javne ustanove Apoteka, „Zdravlje“ Zenica („Službene novine općine Zenica“, broj: 4/98, 9/98, 1/02).

#### Član 31.

Ova odluka stupa na snagu danom donošenja, a objavit će se u „Službenim novinama općine Zenica“.

Broj : 01-01-11395/12  
Zenica, 21.06.2012.godine

PREDSJEDAVAJUĆI  
VIJEĆA OPĆINE ZENICA  
*Nebojša Nikolić, s.r*

#### 60.

Na osnovu člana 234. stav 1. i 2. Zakona o zdravstvenoj zaštiti („Službene novine Federacije BiH“, broj: 46/10) i člana 22. stav 1. tačka 19. Statuta općine Zenica („Službene novine općine Zenica“, broj: 4/08), Vijeće općine Zenica na 42. sjednici održanoj dana 21. juna 2012.godine,  
d o n o s i

**O D L U K U****O ZADRŽAVANJU OSNIVAČKIH PRAVA  
I USKLAĐIVANJU ORGANIZACIJE  
JAVNE USTANOVE „DOM ZDRAVLJA“  
ZENICA SA ZAKONOM****I. - OPĆE ODREDBE****Član 1.**

Ovom odlukom Općina Zenica, kao osnivač Javne ustanove „Dom zdravlja“ Zenica, upisane u registar kod Kantonalnog suda u Zenici pod brojem: U/I – 990/97 od 19.09. 1997. godine, zadržava pravo osnivača i vrši usklađivanje organizacije Javne ustanove „Dom zdravlja“ Zenica sa Zakonom o zdravstvenoj zaštiti.

**Član 2.**

Sjedište Javne ustanove „Dom zdravlja“ Zenica (u daljem tekstu: Dom zdravlja) je u Zenici, ulica Fra Ivana Jukića broj 2.

Dom zdravlja može promijeniti svoj naziv i sjedište uz saglasnost osnivača.

**Član 3.**

Dom zdravlja ima svojstvo pravnog lica sa potpunom odgovornošću.

**II. - DJELATNOST DOMA ZDRAVLJA****Član 4.**

Dom zdravlja je zdravstvena ustanova koja pruža zdravstvenu zaštitu stanovništvu općine Zenica u sklopu zdravstvene djelatnosti na primarnom nivou zdravstvene zaštite.

**Član 5.**

Na području općine Zenica, Dom zdravlja osigurava obavljanje :

- djelatnosti porodične medicine,
- djelatnosti zdravstvene zaštite djece,
- djelatnosti polivalentnih patronažnih sestara u zajednici,
- higijensko-epidemiološke zaštite,
- hitne medicinske pomoći,

- zaštite reproduktivnog zdravlja žena,
- zdravstvene zaštite kod nespecifičnih i specifičnih plućnih oboljenja,
- fizikalne i mentalne rehabilitacije u zajednici,
- specifične zdravstvene zaštite radnika kao dio medicine rada,
- zubozdravstvene zaštite,
- laboratorijske i radiološke dijagnostike primarnog nivoa,
- praćenja zdravstvenog stanja stanovnika i provođenja mjera za zaštitu i inapređenje zdravlja stanovnika,
- prevencije, liječenja i rehabilitacije bolesti i povreda,
- otkrivanja i suzbijanja faktora rizika masovnih nezaraznih bolesti,
- specifične preventivne zdravstvene zaštite mladih, naročito u osnovnim i srednjim školama, te visokim školama na svom području,
- imunizacije protiv zaraznih bolesti,
- liječenja i rehabilitacije u kući,
- palijativne njege i
- drugih djelatnosti i zdravstvenih usluga utvrđenih statutom Doma zdravlja u skladu sa zakonom.

**Član 6.**

Djelatnost Doma zdravlja u skladu sa Odlukom o klasifikaciji djelatnosti Bosne i Hercegovine 2010 („Službeni glasnik BiH“, broj: 47/10) je:

- 86.21 Djelatnost opće medicinske prakse,
- 86.22 Djelatnost specijalističke medicinske prakse,
- 86.23 Djelatnost stomatološke prakse,
- 86.90 Ostale djelatnosti zdravstvene zaštite.

**Član 7.**

Dom zdravlja djelatnost obavlja putem timova porodične medicine, laboratorija, službe za radiološku dijagnostiku, službe za hitnu medicinsku pomoć i službe u zajednici.

Službe u zajednici čine : centar za mentalno zdravlje, centar za fizikalnu rehabilitaciju, služba polivalentne zubozdravstvene zaštite, služba sestara i druge službe koje se utvrđuju i formiraju na osnovu potreba stanovništva općine Zenica, a prema prethodnom mišljenju Kantonalnog zavoda za javno zdravstvo Zenica i uz saglasnost Kantonalnog ministra zdravstva.

Organizacione jedinice putem kojih Dom zdravlja obavlja djelatnost, utvrđuju se statutom Doma zdravlja.

### Član 8.

Dom zdravlja može proširiti ili promijeniti djelatnost, kao i vršiti statusne promjene : spajanje, pripajanje, podjelu i izdvajanje.

Odluku iz stava 1. ovog člana donosi osnivač.

Za proširenje ili promjenu djelatnosti potrebno je obezbijediti mišljenje Kantonalnog zavoda za javno zdravstvo Zenica i nadležne komore o opravdanosti proširenja ili promjene djelatnosti Doma zdravlja.

Proširenje ili promjena djelatnosti Doma zdravlja ne može se obaviti bez saglasnosti Kantonalnog ministra zdravstva.

## III. - ORGANI UPRAVLJANJA I RUKOVOĐENJA DOMA ZDRAVLJA

### 1. Upravni odbor

#### Član 9.

Domom zdravlja upravlja Upravni odbor.

Upravni odbor ima tri člana i čine ga predstavnici:

- osnivača – jedan član,
- stručnih radnika Doma zdravlja - jedan član,
- Ministarstva zdravstva Ze-Do kantona - jedan član.

Članstvo u Upravnom odboru odražavat će ravnopravnu zastupljenost oba spola.

#### Član 10.

Vijeće općine Zenica na prijedlog Načelnika općine, imenuje i razrješava predsjednika i članove Upravnog odbora i utvrđuje bliže kriterije za imenovanje u Upravni odbor.

#### Član 11.

Predsjednik i članovi Upravnog odbora imenuju se u proceduri u skladu sa propisima o ministarskim, vladinim i drugim imenovanjima u Federaciji.

Predsjednik i članovi Upravnog odbora imenuju se za vrijeme od četiri godine i mogu biti ponovo imenovani.

#### Član 12.

Predsjednik i član Upravnog odbora može biti razriješen i prije vremena za koje je imenovan, ako se utvrdi da je

odgovoran za neuspješan ili nezakonit rad Doma zdravlja, na njegov lični zahtjev i u drugim slučajevima utvrđenim zakonom i statutom Doma zdravlja.

### Član 13.

Mjesečnu naknadu za rad predsjednika i članova Upravnog odbora Doma zdravlja utvrđuje Vijeće općine Zenica na prijedlog Načelnika općine.

Mjesečna naknada iz stava 1. ovog člana, isplaćuje se iz sredstava Doma zdravlja.

### Član 14.

Upravni odbor:

- donosi statut,
- donosi opći akt o unutrašnjem uređenju i sistematizaciji poslova i druge opće akte u skladu sa zakonom i statutom,
- donosi finansijski plan i usvaja godišnji obračun,
- utvrđuje planove rada i razvoja ,
- utvrđuje godišnji program rada,
- rješava sva pitanja odnosa sa osnivačem,
- podnosi osnivaču najmanje jedanput godišnje izvještaj o poslovanju Doma zdravlja,
- odgovara osnivaču za rezultate rada Doma zdravlja,
- odlučuje o svim pitanjima obavljanja djelatnosti radi koje je Dom zdravlja osnovan, ako zakonom nije određeno da o određenim pitanjima odlučuje drugi organ Doma zdravlja,
- odlučuje o korištenju sredstava preko iznosa utvrđenog statutom,
- odlučuje o prigovoru zaposlenika na rješenje kojim je drugi organ, određen statutom, odlučio o pravu, obavezi i odgovornosti zaposlenika iz radnog odnosa,
- imenuje i razrješava direktora odnosno v.d.direktora ,
- usmjerava, kontroliše i ocjenjuje rad direktora,
- obavlja i druge poslove u skladu sa zakonom i statutom Doma zdravlja.

### 2. Direktor

#### Član 15.

Direktor organizira i vodi poslovanje, predstavlja i zastupa Dom zdravlja i odgovoran je za zakonitost rada.

Statutom Doma zdravlja u skladu sa zakonom, bliže se uređuje nadležnost i ovlaštenja direktora.

#### Član 16

Direktora imenuje Upravni odbor na osnovu javnog konkursa, uz prethodnu saglasnost Načelnika općine.

Mandat direktora traje četiri godine.

Po isteku mandata ista osoba može, na osnovu javnog konkursa, ponovo biti imenovana za direktora, ali najviše za još jedan mandatni period.

#### Član 17.

Ako direktor nije imenovan u roku od 60 dana od dana isteka konkursnog roka, odluku o postavljenju vršioca dužnosti direktora donosi Upravni odbor.

Vršilac dužnosti direktora postavlja se najduže na period do šest mjeseci.

Vršilac dužnosti direktora ima sva prava i dužnosti direktora.

#### Član 18.

Upravni odbor je dužan razriješiti direktora i prije isteka mandata na koji je imenovan iz razloga propisanih zakonom.

Ako Upravni odbor ne razriješi direktora iz razloga propisanih zakonom u roku od 30 dana od dana saznanja za neki od razloga, rješenje o razrješenju direktora donosi Kantonalni ministar zdravstva.

### IV. - STRUČNA TIJELA DOMA ZDRAVLJA

#### Član 19.

Stručna tijela Doma zdravlja su :

- stručno vijeće,
- etički komitet,
- komisija za poboljšanje kvaliteta i sigurnosti zdravstvenih usluga,
- komisija za lijekove.

Statutom Doma zdravlja uređuje se nadležnost, način izbora, mandat članova stručnih tijela i finansiranje.

### V. - SREDSTVA ZA RAD I RAZVOJ DOMA ZDRAVLJA

#### Član 20.

Sredstva za rad i razvoj, Dom zdravlja ostvaruje :

- ugovorom sa Zavodom zdravstvenog osiguranja Ze-Do kantona,

- ugovorom sa Zavodom zdravstvenog osiguranja Federacije BiH,

- ugovorom sa fakultetima i drugim visokim školama zdravstvenog usmjerenja,

- ugovorom na osnovu proširenog i dobrovoljnog zdravstvenog osiguranja,

- iz sredstava budžeta Općine, Ze-Do kantona i Federacije BiH,

- iz učešća korisnika zdravstvene zaštite u pokriću dijela ili ukupnih troškova zdravstvene zaštite,

- slobodnom prodajom usluga na tržištu,

- iz drugih izvora na način i pod uvjetima određenim zakonom i statutom Doma zdravlja.

#### Član 21.

Višak prihoda nad rashodima Dom zdravlja koristi za obnavljanje i razvoj svoje djelatnosti.

#### Član 22.

Dom zdravlja kao javna zdravstvena ustanova, zadržava pravo korištenja državne imovine u ovoj zdravstvenoj ustanovi do zakonskog reguliranja ove oblasti, sa svim pravima i obavezama u pogledu imovine i radnika.

### VI. - ODGOVORNOST DOMA ZDRAVLJA ZA OBAVEZE U PRAVNOM PROMETU

#### Član 23.

Dom zdravlja je odgovoran za svoje obaveze u pravnom prometu sredstvima sa kojima raspolaže.

Osnivač ne odgovara za obaveze Doma zdravlja.

### VII. - PRAVA I OBAVEZE OSNIVAČA

#### Član 24.

Vijeće općine Zenica :

- u ime osnivača odlučuje o statusnim promjenama Doma zdravlja,

- u ime osnivača odlučuje o promjeni ili proširenju djelatnosti Doma zdravlja uz saglasnost Kantonalnog ministra zdravstva,

- u ime osnivača razmatra izvještaj o poslovanju Doma zdravlja, planove rada i razvoja Doma zdravlja,

- na prijedlog Načelnika općine, imenuje i razrješava predsjednika i članove Upravnog odbora Doma zdravlja,
- na prijedlog Načelnika općine, utvrđuje bliže kriterije za imenovanje u Upravni odbor Doma zdravlja,
- na prijedlog Načelnika općine, utvrđuje mjesečnu naknadu za rad predsjednika i članove Upravnog odbora Doma zdravlja,
- obavlja i druge poslove iz okvira svoje nadležnosti u skladu sa zakonom.

#### Član 25.

Načelnik općine:

- u ime osnivača daje saglasnost na promjenu naziva i sjedišta Doma zdravlja,
- u ime osnivača daje saglasnost na statut Doma zdravlja,
- daje saglasnost za imenovanje direktora Doma zdravlja,
- predlaže imenovanje i razrješavanje predsjednika i članova Upravnog odbora Doma zdravlja,
- predlaže bliže kriterije za imenovanje u Upravni odbor Doma zdravlja,
- predlaže mjesečnu naknadu za rad predsjednika i članove Upravnog odbora Doma zdravlja,
- obavlja i druge poslove iz okvira svoje nadležnosti i ovlaštenja u skladu sa zakonom.

### VIII. - AKTI DOMA ZDRAVLJA

#### Član 26.

Akti Doma zdravlja su statut i drugi opći akti.

Statut je osnovni opći akt, kojim se uređuje:

- naziv i sjedište osnivača,
- naziv i sjedište Doma zdravlja,
- djelatnost Doma zdravlja,
- izvor i način osiguranja sredstava za rad Doma zdravlja,
- način raspolaganja viškom prihoda nad rashodima i način na koji se pokriva višak rashoda nad приходima,
- međusobna prava i obaveze Doma zdravlja i osnivača,
- organ upravljanja i njegova ovlaštenja,
- stručna tijela Doma zdravlja, mandat članova stručnih tijela, način izbora i finansiranje,
- rok za donošenje statuta, imenovanje direktora i organa upravljanja,
- druga pitanja od značaja za rad Doma zdravlja.

#### Član 27.

Statut Doma zdravlja podliježe obaveznoj saglasnosti osnivača.

### IX. - PRESTANAK RADA DOMA ZDRAVLJA

#### Član 28.

Dom zdravlja prestaje sa radom:

- odlukom Vijeća općine Zenica, ako više ne postoji potreba za obavljanjem djelatnosti za koju je osnovan, a nema mogućnosti da se reorganizuje za obavljanje druge zdravstvene djelatnosti,
- rješenjem Kantonalnog ministra zdravstva, ako ne ispunjava zakonom propisane uslove za obavljanje djelatnosti.

### X. - PRELAZNE I ZAVRŠNE ODREDBE

#### Član 29.

Upravni odbor je obavezan da u roku od tri mjeseca od dana stupanja na snagu ove odluke, donese statut Doma zdravlja u skladu sa zakonom i ovom odlukom.

#### Član 30.

Stupanjem na snagu ove odluke izvršit će se promjene upisa u sudskom registru u skladu sa zakonom i ovom odlukom.

#### Član 31.

Stupanjem na snagu ove odluke prestaje da važi Odluka o organizovanju Javne ustanove „Dom zdravlja“ Zenica („Službene novine općine Zenica“, broj : 4/97, 9/98).

#### Član 32.

Ova odluka stupa na snagu danom donošenja, a objavit će se u „Službenim novinama općine Zenica“.

Broj : 01-01-11395-1/12

Zenica, 21.06. 2012.godine

PREDSJEDAVAJUĆI  
VIJEĆA OPĆINE ZENICA  
*Nebojša Nikolić, s.r*

-----



61.

Na osnovu člana 4. stav 2. Zakona o prometu nepokretnosti («Službeni list SR BiH», broj 38/78, 4/89, 29/90 i 22/91, «Službeni list R BiH», broj 21/92, 3/93, 13/94 i 18/94) i člana 22. Statuta opštine Zenica («Službene novine opštine Zenica» br. 4/08) Vijeće Opštine Zenica na 42. sjednici održanoj dana 21. juna 2012. godine, donijelo je

**ODLUKU**  
**o utvrđivanju promjene statusa**  
**javnog dobra**

**Član 1.**

Utvrđuje se da je izgubilo status nepokretnosti u opštoj upotrebi – DS Javno dobro - ž pruga slijedeće zemljište:

**Katastarska Opština Orahovičko polje**

- k.č.n.p. 616/3 zv. «Pruga» po kulturi J. Željeznica u površini od 149 m<sup>2</sup> upisana u pl. 99 K.O. Orahovičko polje na ime DS – Javno željezničko transportno pred. Sarajevo sa 1/1 dijela kojoj po starom premjeru odgovara k.č. 2194/4 zv. ž. pruga po kulturi ž. pruga iste površine upisana u zk.ul.br. 1779 K.O. Orahovica, kao Javno dobro.

**Član 2.**

Uprava za imovinsko-pravne, geodetske poslove i katastar nekretnina općine Zenica i Zemljišno knjižni ured Općinskog suda u Zenici brisat će označeno zemljište u prethodnom članu kao nekretnine u opštoj upotrebi a navedeno zemljište upisati kao DS u odgovarajući posjedovni list i zemljišno knjižni uložak u kojem je upisano zemljište čiji je nosilac prava korištenja Općina Zenica.

**Član 3.**

Ova odluka stupa na snagu osmog dana od dana objavljivanja u «Službenim novinama opštine Zenica».

Broj: 01-01-11187/12  
Zenica, 21.06.2012 god.

PREDSJEDAVAJUĆI  
VIJEĆA OPĆINE ZENICA  
*Nebojša Nikolić, s.r*

62.

Na osnovu člana 22., 74. i 79. Statuta općine Zenica («Službene novine općine Zenica», broj: 4/08), člana 12. Odluke o organizaciji mjesne samouprave («Službene novine općine Zenica», broj:1/10) i člana 37. Poslovnika Vijeća općine («Službene novine općine Zenica», broj: 2/10) Vijeće općine Zenica na 42. sjednici održanoj 21. juna 2012. godine, donijelo je

**ODLUKU**  
**o dodjeli mandata kandidatima za**  
**predsjednika i člana Savjeta**  
**MZ «Tetovo»**

**Član 1.**

**Hasanica Midhatu** dodjeljuje se mandat predsjednika Savjeta MZ «Tetovo», zbog podnošenja ostavke na funkciju predsjednika i člana Savjeta MZ «Tetovo» **Hasanbašić Envera**.

**Član 2.**

**Bajramović Beudinu** dodjeljuje se mandat člana Savjeta MZ «Tetovo» kao sljedećem po teritorijalnom principu sa liste za izbor članova Savjeta.

**Član 3.**

Ova odluka stupa na snagu danom donošenja i objaviće se u «Službenim novinama općine Zenica».

Broj: 01-01-11398/12  
Zenica, 21. juni 2012. godine

PREDSJEDAVAJUĆI  
VIJEĆA OPĆINE ZENICA  
*Nebojša Nikolić, s.r*

63.

Na osnovu člana 64. stav 8. Zakona o zdravstvenoj zaštiti («Službene novine Federacije BiH», br.46/10), člana 12. Zakona o ministarskim, vladinim i drugim imenovanjima Federacije Bosne i Hercegovine («Službene novine F BiH», br. 34/03), člana 22. Statuta općine Zenica («Službene novine općine Zenica», br:4/08) i saglasnosti Ministarstva zdravstva ZE-DO kantona br. 11-34-12801-

1/12 od 07.06.2012. godine, Vijeće općine Zenica na 42. sjednici održanoj dana 21. juna 2012. godine, donosi

1. Ednan Drljević, VSS, doktor medicine,
2. Višnja Kruškić, VSS, mr. farmacije,
3. Edina Hrnjić, VSS, dipl. ekonomistica.

## RJEŠENJE

### o imenovanju Upravnog odbora JU «Dom zdravlja» Zenica

#### I

Imenuje se Upravni odbor JU «Dom zdravlja» sa mandatom od četiri godine u sastavu kako slijedi:

1. Danica Bošnjak, VSS, dipl. pravica,
2. Selvedina Spahić-Sarajlić, VSS, doktorka medicine,
3. Samira Dajić-Hrvanović, VSS, doktorka medicine.

#### II

Ovo rješenje stupa na snagu danom donošenja, a objavit će se u «Službenim novinama Federacije BiH» i «Službenim novinama općine Zenica».

Broj: 01-01-8761/12  
Zenica, 21.06.2012. godine

PREDSJEDAVAJUĆI  
VIJEĆA OPĆINE ZENICA  
*Nebojša Nikolić, s.r*

#### 64.

Na osnovu člana 64. stav 8. Zakona o zdravstvenoj zaštiti («Službene novine Federacije BiH», br.46/10), člana 12. Zakona o ministarskim, vladinim i drugim imenovanjima Federacije Bosne i Hercegovine («Službene novine F BiH», br. 34/03), člana 22. Statuta općine Zenica («Službene novine općine Zenica», br:4/08) i saglasnosti Ministarstva zdravstva ZE-DO kantona br. 11-34-12801-1/12 od 07.06.2012. godine, Vijeće općine Zenica na 42. sjednici održanoj dana 21. juna 2012. godine, donosi

## RJEŠENJE

### o imenovanju Upravnog odbora JU Apoteka „Zdravlje» Zenica

#### I

Imenuje se Upravni odbor JU Apoteka «Zdravlje» Zenica sa mandatom od četiri godine u sastavu kako slijedi:

#### II

Ovo rješenje stupa na snagu danom donošenja, a objavit će se u «Službenim novinama Federacije BiH» i «Službenim novinama općine Zenica».

Broj: 01- 01-8761-1 /12  
Zenica, 21.06.2012. godine

PREDSJEDAVAJUĆI  
VIJEĆA OPĆINE ZENICA  
*Nebojša Nikolić, s.r*

## NAČELNIK OPĆINE

#### 65.

Na osnovu člana 14.stav 1.i člana 17.stav 2.Pravilnika o otkrivanju,ocjenjivanju sposobnosti, razvrstavanju i evidenciji djece i mladih ometanih u fizičkom ili psihičkom razvoju („Službene novine Ze-Do kantona“, broj:1/12) i člana 117.Statuta općine Zenica Službene novine općine Zenica“, broj : 4/08 ), Načelnik općine Zenica, d o n o s i

## R J E Š E N J E

### o obrazovanju i imenovanju Prvostepene stručne komisije za ocjenjivanje sposobnosti i razvrstavanju djece i mladih ometanih u fizičkom ili psihičkom razvoju

#### I

Za područje općine Zenica, obrazuje se Prvostepena stručna komisija za ocjenjivanje sposobnosti i razvrstavanju djece i mladih ometanih u fizičkom ili psihičkom razvoju (u daljem tekstu : Komisija).Sastav Komisije čine: pedijatar, diplomirani psiholog, socijalni radnik, specijalista neuropsihijatar, defektolog odgovarajućeg usmjerenja i ljekar specijalista odgovarajuće grane medicine.

Komisija ocjenjivanje sposobnosti i razvrstavanje djece i mladih ometanih u fizičkom ili psihičkom razvoju vršit će u prostorijama Udruženja „Humanost“ u Zenici.

## II

U Komisiju imenuju se :

1. Durmišević - Serdarević Jasminka, pedijatar - predsjednik
2. Bjelošević Edin, spec.neuropsihijatar - član
3. Bajramović Nejra, spec. fizikalne medicine i rehabilitacije - član
4. Isaković Dženana, oftamolog - član
5. Hodžić Dženad, otorinolaringolog - član
6. Bulajić Duško, psiholog - član
7. Čolaković Dženana, edukator-rehabilitator, smjer oligofrenolog - član
8. Bećirbašić Fata , edukator-rehabilitator, smjer logoped - član
9. Išerić Nusret, socijalni radnik - član
10. Kadić Hajra , edukator-rehabilitator, smjer somatoped - član

## III

JU Centar za socijalni rad Zenica pismeno obavještava Komisiju o pokrenutom postupku te dostavlja sve raspoložive podatke o licu sa smetnjama. Po prijemu zahtjeva i dokumentacije, po uputama predsjednika Komisije, svaki član pojedinačno vrši ocjenu koristeći raspoloživu dokumentaciju, metode i tehnike svoje struke i daje svoj nalaz i mišljenje ( Obrazac br.1 ). Komisija može zatražiti i mišljenje drugih specijalizovanih organizacija ako ocijeni da je potrebno dodatno posmatranje i ispitivanje.

Po završenoj obradi Komisija donosi nalaz i mišljenje ( Obrazac br.2), koje se uručuje roditeljima ili starateljima putem JU Centar za socijalni rad Zenica. O svom radu Komisija vodi zapisnik kojeg potpisuje predsjednik i najmanje jedan član Komisije.

Godišnji izvještaj Komisija podnosi Drugostepenoj stručnoj komisiji.

## IV

Radom Komisije rukovodi predsjednik Komisije.

Predsjednik Komisije sastavlja potrebne članove Komisije zavisno od fizičkih i psihičkih smetnji lica u svakom konkretnom slučaju.

## V

Komisija u svom radu je u obavezi da primjenjuje odredbe Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Ze-Do kantona“, broj: 13/07, 13/11) i Pravilnika o otkrivanju, ocjenjivanju sposobnosti, razvrstavanju i evidenciji djece i mladih ometanih u fizičkom ili psihičkom razvoju („Službene novine Ze-Do kantona“, broj: 1/12 ).

## VI

Administrativne poslove za potrebe Komisije, obavljat će član Komisije Kadić Hajra.

## VII

Naknada za rad u Komisiji utvrđuje se u neto iznosu od 25,00 KM po jednom obrađenom predmetu za predsjednika i članove Komisije pojedinačno.

Za djecu predškolskog uzrasta , članovi Komisije iz tačke II redni broj 6.,7.,8. i 10.ovog Rješenja, a koji su iz reda stručnog kadra Udruženja „Humanost“ Zenica ( Centra za ranu intervenciju Zenica ), poslove u Komisiji će obavljati bez naknade i u okviru svog redovnog angažmana.

## VIII

Izvještaj o broju obrađenih predmeta sekretar Komisije dostavlja JU Centar za socijalni rad Zenica za period u kome je obrada izvršena, na obrascu čiju formu će utvrditi JU Centar za socijalni rad Zenica.

## IX

Na osnovu dostavljenog izvještaja iz tačke VIII ovog Rješenja, obračun, isplatu i druge administrativne poslove u vezi sa naknadama Komisije vršit će JU Centar za socijalni rad Zenica.

## X

Sredstva za rad Komisije obezbjeđuju se iz Budžeta općine Zenica , razdjel 18, budžetska organizacija 01, potrošačka jedinica 0002 – JU Centar za socijalni rad Zenica, ekonomski kod 613900 / 681390 Ugovorene usluge.

## XI

Danom stupanja na snagu Rješenja, prestaje važiti Rješenje Načelnika općine Zenica, broj : 02-05-1143 / 09 od 06.02.2009.godine.

## XII

Rješenje stupa na snagu danom donošenja i objavit će se u „Službenim novinama općine Zenica“.

Broj : 02 – 05 - 2012 / 12  
Zenica, 18.05.2012.godine

NAČELNIK OPĆINE  
*Husejin Smajlović, s.r*

-----

## 66.

Na osnovu člana 36. tačka 5. i 6. Statuta općine Zenica («Službene novine općine Zenica», broj 4/08) i člana 66. stav 5. Zakona o zdravstvenoj zaštiti FBiH («Službene novine Federacije BiH», broj: 46/10) Načelnik općine Zenica, donosi

**ZAKLJUČAK**  
**o davanju prethodne saglasnosti za izbor i**  
**imenovanje direktora JU «Dom zdravlja»**  
**Zenica**

## I

Daje se prethodna saglasnost za izbor i imenovanje spec.dr. Selvedine Sarajlić-Spahić, za direktora JU «Dom zdravlja» Zenica, a shodno Preporuci Upravnog odbora JU «Dom zdravlja» Zenica broj: 3620/12 od 27.06.2012. godine.

## II

Ovaj zaključak stupa na snagu danom donošenja i objavit će se u «Službenim novinama općine Zenica».

Broj: 02-14-11518/12  
Zenica, 27. juni 2012. godine

NAČELNIK OPĆINE  
*Husejin Smajlović, s.r*

-----

## 67.

Na osnovu člana 36. tačka 5. i 6. Statuta općine Zenica («Službene novine općine Zenica», broj 4/08) i člana 21. Statuta JP «Tržnica» d.o.o. Zenica («Službene novine općine Zenica», broj: 6/08), Načelnik općine Zenica, u funkciji Skupštine JP «Tržnica» d.o.o. Zenica, donosi

**ZAKLJUČAK**  
**o davanju saglasnosti na Odluku o**  
**imenovanju direktora Javnog preduzeća**  
**«Tržnica» d.o.o. Zenica**

## I

Daje se saglasnost za imenovanje Kavazović Ferida, profesora odbrane, za direktora Javnog preduzeća «Tržnica» d.o.o. Zenica, a na osnovu Odluke Nadzornog odbora JP «Tržnica» d.o.o. Zenica broj: 484/12 od 19. 03.2012. godine.

## II

Ovaj zaključak stupa na snagu danom donošenja i objavit će se u «Službenim novinama općine Zenica».

Broj: 02-49-10618/12  
Zenica, 15. juna 2012. godine

NAČELNIK OPĆINE  
*Husejin Smajlović, s.r*

-----







# SADRŽAJ

## VIJEĆE OPĆINE

59. ODLUKU o zadržavanju osnivačkih prava i usklađivanju organizacije javne ustanove apoteka „Zdravlje“ Zenica sa zakonom .....	1
60. ODLUKU o zadržavanju osnivačkih prava i usklađivanju organizacije javne ustanove „Dom zdravlja“ Zenica sa zakonom .....	5
61. ODLUKU o o utvrđivanju promjene statusa javnog dobra .....	9
62. ODLUKA o o dodjeli mandata kandidatima za predsjednika i člana Savjeta MZ «Tetovo» .....	9
63. RJEŠENJE o imenovanju Upravnog odbora JU «Dom zdravlja» Zenica .....	10
64. RJEŠENJE o imenovanju Upravnog odbora JU Apoteka „Zdravlje» Zenica .....	10

## NAČELNIK OPĆINE

65. RJEŠENJE o obrazovanju i imenovanju Prvostepene stručne komisije za ocjenjivanje sposobnosti i razvrstavanju djece i mladih ometanih u fizičkom ili psihičkom razvoju .....	10
66. ZAKLJUČAK o davanju prethodne saglasnosti za izbor i imenovanje direktora JU «Dom zdravlja» Zenica .....	12
67. ZAKLJUČAK o davanju saglasnosti na Odluku o imenovanju direktora Javnog preduzeća «Tržnica» d.o.o. Zenica .....	12